



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՇԱԿՈՒՅԹԻ ՆԱԽԱՐԱՐՈՒԹՅՈՒՆ

ՀՐԱՄԱՆ N 187-ԼՔ

«23» 04.10թ.

«ԳՐՔԱՐՎԵՍ» ՀԱՆՐԱՊԵՏԱԿԱՆ ԱՄԵՆԱՄՅԱ ՄՐՅՈՒՅԹ  
ԱՆՑԿԱՅՆԵԼՈՒ ՄԱՍԻՆ

Գրահրատարակչական արտադրանքի որակի բարձրացման, գրքարվեստի զարգացման, գրահրատարակիչների միջև համագործակցության և մրցակցության խթանման, տպագրական ժամանակակից տեխնոլոգիաների բարոգչության, ազգային մշակութային և հոգևոր արժեքների տարածման նպատակով՝

ՀՐԱՄԱՅՈՒՄ ԵՄ

1. Յուրաքանչյուր տարի մայիսի երկրորդ կեսին անցկացնել «Գրքարվեստ» հանրապետական մրցույթը:

2. Հաստատել՝

1) «Գրքարվեստ» հանրապետական մրցույթի անցկացման կարգը՝ համաձայն N 1 հավելվածի:

2) «Գրքարվեստ» հանրապետական մրցույթի մրցութային հանձնաժողովի կազմը՝ համաձայն N 2 հավելվածի:

3. Հանրապետական մրցութային հանձնաժողովի նախագահին՝

իրականացնել հանձնաժողովի աշխատանքները՝ համաձայն սույն հրամանի N 1 հավելվածով սահմանված կարգի:

4. Ուժը կորցրած ճանաչել Հայաստանի Հանրապետության մշակույթի նախարարի 2008 թվականի մարտի 7-ի N 99-Ա հրամանը:

5. Սույն հրամանի կատարման հսկողությունը վերապահել նախարարի տեղակալ Ա. Պողոսյանին:

Նախարար՝




Հ. ՊՈՂՈՍՅԱՆ



ՀՀ մշակույթի նախարարի  
2010 թ. 8/16/24 հրամանի

Կ Ա Ր Գ

«ԳՐՔԱՐՎԵՍ» ՀԱՆՐԱՊԵՏԱԿԱՆ ՄՐՅՈՒՅԹԻ ԱՆՅԿԱՅՄԱՆ



## I. ԸՆԴՀԱՆՈՒՐ ԴՐՈՒՅԹՆԵՐ

1. Սույնով սահմանվում է Հայաստանի Հանրապետության մշակույթի նախարարության (այսուհետ՝ Նախարարություն) կողմից կազմակերպվող գրքարվեստի բնագավառում ամենամյա մրցույթի (այսուհետ՝ մրցույթ) կազմակերպման, անցկացման, մրցույթին մասնակցելու իրավունք ունեցող անձանց, նրանց կողմից ներկայացվող հայտերի, մրցութային հանձնաժողովի աշխատակարգի, հաղթողների պարգևատրման հետ կապված հարաբերությունները:

2. Մրցույթի նպատակն է նպաստել գրահրատարակչական արտադրանքի որակի բարձրացմանը, մրցակցության խթանմանը, գրքարվեստի զարգացմանը, հրատարակչական ժամանակակից տեխնոլոգիաների քարոզչությանը, ազգային մշակութային և հոգևոր արժեքների տարածմանը:

## II. ՄՐՅՈՒՅԹԻ ԿԱԶՄԱԿԵՐՊՈՒՄՆ ՈՒ ԱՆՅԿԱՅՈՒՄԸ

3. Մրցույթի կազմակերպման նախապատրաստական աշխատանքներն իրականացնում է Նախարարության աշխատակազմի հրատարակչական գործի գործակալությունը, որը՝

1) հրապարակում է մրցույթի մասին հայտարարությունը մրցույթն անցկացնելուց ոչ ուշ, քան երեսուն օր առաջ՝ առնվազն երեք հազար տպաքանակ ունեցող մամուլում.

2) ընդունում է մրցույթին ներկայացվող հայտերը և հրատարակությունները՝ գրանցելով առանձին գրանցամատյանում.

3) մրցութային հանձնաժողովին է ներկայացնում մասնակիցների ցուցակը, հայտերը և հրատարակությունները՝ ըստ անվանակարգերի.

4) ապահովում է մրցութային հանձնաժողովի աշխատանքների կազմակերպումը:

4. Մրցույթին կարող են ներկայացվել այն հրատարակությունները, որոնք լույս են տեսել նախորդ տարում անցկացված մրցույթի ավարտից մինչև տվյալ մրցույթն ընկած ժամանակահատվածում:



5. Հայտերը և հրատարակությունները ներկայացվում են աշխատակազմի հրատարակչական գործի գործակալություն՝ մինչև մրցույթի մասին ծանուցման մեջ նշված ժամկետը:

6. Մրցույթին հայտերի հետ միասին ներկայացվում են հրատարակումները՝ յուրաքանչյուր անվանակարգի համար երկուական օրինակից: Ներկայացված հրատարակությունները վերադարձման և վճարման ենթակա չեն:

### **III. ՄՐՑՈՒՅԹԻ ԱՆՎԱՆԱԿԱՐԳԵՐԸ**

7. Մրցույթն անցկացվում է հետևյալ անվանակարգերով՝

ա) *Իմ հայրենիքը*

բ) *Մեր ժամանակակիցը*

գ) *Հետաքրքիր ճակատագրի գիրք*

դ) *Գիրք երեխաներին*

ե) *Արվեստի գիրք*

զ) *Տպագրված է Հայաստանում*

է) *Գլխավոր մրցանակ*

### **IV. ԳՆԱՀԱՏՄԱՆ ՉԱՓՈՐՈՇԻՉՆԵՐԸ**

8. Մրցույթին ներկայացված հրատարակությունների գնահատման ժամանակ հաշվի է առնվում.

ա) գեղարվեստական մակարդակը.

բ) խմբագրական - հրատարակչական մակարդակը.

գ) պատկերագրող նյութերի մատուցման մակարդակը.

դ) թեմատիկ ուղղվածությունը.

ե) ձևավորումը և յուրահատուկ դիզայներական լուծումները.

զ) տպագրական նոր տեխնոլոգիական մոտեցումները:

### **V. ՀԱՆՁՆԱԺՈՂՈՎԻ ԱՇԽԱՏԱՆՔՆԵՐԻ ԿԱԶՄԱԿԵՐՊՈՒՄՆ ՈՒ ԱՆՑԿԱՑՈՒՄԸ**

8. Մրցութային հանձնաժողովը (այսուհետ՝ հանձնաժողով) ստեղծվում և դրա կազմում փոփոխությունը կատարվում է նախարարի հրամանով:

9. Մրցութային հանձնաժողովը բաղկացած է 11 անդամից: Հանձնաժողովի կազմը հաստատվում է նախարարի հրամանով:



10. Հանձնաժողովի նիստերն իրավագոր են, եթե դրանց մասնակցում է հանձնաժողովի անդամների կեսից ավելին:

11. Հանձնաժողովի որոշումներն ընդունվում են նիստին մասնակցող անդամների ձայների պարզ մեծամասնությամբ:

12. Հանձնաժողովի նախագահը հրավիրում և վարում է հանձնաժողովի նիստերը, կազմակերպում է ընթացիկ աշխատանքները, իրականացնում է այլ լիազորություններ:

13. Հանձնաժողովի քարտուղարը նախապատրաստում և արձանագրում է հանձնաժողովի նիստերը:

14. Հանձնաժողովի նիստերի արձանագրությունները ստորագրում են նիստին ներկա բոլոր անդամները: Հանձնաժողովի նիստերին մասնակցելու անհնարինության դեպքում հանձնաժողովի անդամը նախապես տեղեկացնում է հանձնաժողովի նախագահին կամ քարտուղարին:

15. Հանձնաժողովի նիստին ներկա անդամը քննարկվող հարցի վերաբերյալ հատուկ կարծիք ունենալու դեպքում այն ներկայացնում է գրավոր, որը կցվում է նիստի արձանագրությանը:

16. Հանձնաժողովը նիստերն անցկացնում է երկու փուլով: Առաջին փուլում Հանձնաժողովի անդամները քննարկում են ստացված հայտերը և ներկայացված հրատարակությունների համապատասխանությունը անվանակարգերին ու ծանուցման պայմաններին:

17. Անվանակարգերին կամ ծանուցման պայմաններին չհամապատասխանելու դեպքում տվյալ հրատարակությունը չի անցնում երկրորդ փուլ: Երկրորդ փուլ անցած գրքերը ընդգրկվում են քվեարկման բյուլետեններում՝ փակ գաղտնի քվեարկության համար:

18. Երկրորդ փուլում հանձնաժողովի անդամները հրատարակությունները գնահատում են 5 բալանոց սանդղակով, որտեղ անթույլատրելի է գնահատել 1-ից ցածր և 5-ից բարձր: Լրացված քվեաթերթիկները ստորագրում են հանձնաժողովի անդամները և հանձնում աշխատանքային խմբին:

19. Քվեարկության արդյունքները մուտքագրվում են համակարգիչ, որից հետո հանձնաժողովի նախագահը հրապարակում է դրանք: Հանձնաժողովն ամփոփում է մրցույթի արդյունքները, կազմում է արձանագրություն և ներկայացնում նախարարի հաստատմանը:



## VI. ԲՎԵԱՐԿՈՒԹՅԱՆ ԿԱՐԳՆ ՈՒ ԲՎԵԱՐԿՈՒԹՅՈՒՆԸ

20. Բվեարկության արդյունքների հիման վրա յուրաքանչյուր անվանակարգում, բացի «Գլխավոր մրցանակից», շնորհվում է առաջին, երկրորդ և երրորդ կարգի դիպլոմներ: «Գլխավոր մրցանակ» անվանակարգում շնորհվում է միայն մեկ մրցանակ՝ դիպլոմ և դրամական պարգև:


21. Մրցույթի արդյունքների արձանագրությունը հաստատում է նախարարը:

22. Մրցույթի հաղթողների պարգևատրման արարողությունը իրականացվում է հանդիսավոր պայմաններում:

23. Մրցույթին ներկայացված բոլոր հրատարակությունները ցուցադրվում են մրցանակների հանձնման արարողության ժամանակ: Մրցույթում հաղթող ճանաչված հրատարակությունները ներկայացվում են ԱՊՀ երկրների «Գրքարվեստ» միջազգային մրցույթին:



ՀԱՎԵԼՎԱԾ N 2  
ՀՀ մշակույթի նախարարի  
N 04.28/17 հրավերի  
2010 թ.



ԿԱԶՄ

«ԳՐՔԱՐՎԵՍ» ԵՐՐՈՐԴ ՀԱՆՐԱՊԵՏԱԿԱՆ ՄՐՑՈՒԹԻ ՀԱՆՁՆԱԺՈՂՈՎԻ

Ա. Պողոսյան	ՀՀ մշակույթի նախարարի տեղակալ (համաձայնողովի նախագահ)
Է. Միլիտոնյան	ՀՀ մշակույթի նախարարության աշխատակազմի հրատարակչական գործի գործակալության պետ
Ն. Տեր-Վարդանյան	ՀՀ մշակույթի նախարարի խորհրդական
Ս. Գեղամյան	ՀՀ մշակույթի նախարարության աշխատակազմի հրատարակչական գործի գործակալության հրատարակչական գործի բաժնի պետ (քարտուղար)
Լ. Անանյան	Հայաստանի գրողների միության նախագահ (համաձայնությամբ)
Վ. Խաչատրյան	Հայաստանի հրատարակիչների ասոցիացիայի նախագահ (համաձայնությամբ)
Խ. Վարդանյան	Հայաստանի գրատարածողների միության նախագահ (համաձայնությամբ)
Ա. Գրիգորյան	Հայաստանի գեղարվեստի ակադեմիայի գրքի ձևավորման ամբիոնի վարիչ (համաձայնությամբ)
Մ. Միքայելյան	Արվեստաբան (համաձայնությամբ)
Կ. Աղամյան	Հայաստանի նկարիչների միության նախագահ (համաձայնությամբ)
Ա. Աղամյան	«Գիրք» հիմնադրամի տնօրեն (համաձայնությամբ)